

未充虧官損民窒碍難行照得湖廣等布政司歲造曆日用紙數多俱是民間買办合無准其所奏通行在外間刑衙門并巡按御史每遇年終查盤投贖囚人紙劄數目除合支公用外餘剩紙數俱令本處布政司閤支印造曆日不敷支數照舊補办如此則紙劄不損民亦省費緣係事例具題次日奉

聖旨這囚人紙劄有餘処准納鈔貫通行各処知道欽此

按李估計囚人納紙價及禁約打攬囚人納紙例

成化九年八月十七日刑部尚書

陸等

題巡捕事江西清吏司案呈問得犯人王玉

招充留學前衛右所軍與在官豹韜等衛軍人王海孟

清董全李茂董成軍伍張本力士趙宣餘丁唐廣沈名

王貴丘清王三張二楊能曹義張良童彭沈旺張益董剛

楊礼唐林立勉舍餘信讓張剛劉柴蔡方惟李英胡決帶

俸百戶秦原順天府宛平縣民人張佑民匠張四胡良匠丁

顧通謝宗趙倫謝旺各不合不務本等生理竊名打光棍專在

在通政使司并兵部門首接攬告狀人并送問囚犯前來賣紙

尤昱等家指以買紙劄用強勒要財物尤昱與在官一般買紙

人高智孫傑孫榮馮四各亦不合將自己紙化員用強多取

價利每官紙一分時價銀五錢勒要銀一兩或七八錢民

紙一分時價銀二錢勒要四五錢原告一分時價銀三錢勒要銀五六錢囚人被勒不過只得依數出價買納除還紙價外餘銀各人分用有百戶秦原又不合替人捏寫本狀得銀肥已除革前月又失記姓名囚人外有天順八年二月內起至成化元年七月止各接攬囚犯及分用財物不等有六七兩及二三兩入已尤是為誑騙事犯該徒罪做工在逃俱被巡捕官校緝獲事發問擬王玉等俱依問強用索索財物并多取價利枉發徒罪各照例運灰做工拘後各完滿日還贓着役寧家隨住各發大理寺審允面報移付到司緣各犯打攬囚人入納紙合行禁約案呈到部照得本部日逐按問囚犯數多俱該通政使司錦衣衛各城兵馬司等衙門送到原被告官吏人等及在外司府州縣衛所等官司解到囚犯除真犯無罪

竊盜逃軍囚匪例不該納其餘官吏軍民原告人等各照則例俱該納紙一分發落中間或有婦女并貧難之人近年以來被充籍之徒平日不務本等生理三五成群號名打光棍專於各衙門打听送問囚犯爭先接攬到於貫城街上賣紙人家指以買紙送飯安歇為由勒要銀物其賣紙之家因其接攬人未得利高登紙價除本分用良善者被其挾詐貧難者被其逼迫甚至姦淫婦女剝奪衣服留當行李什物其害不可勝言今犯人王玉等所招革後贓物不多又係初犯欽然所擬發落若有逃回再來接攬為害者

本部奏

請從重処治緣估定紙價致使奸頑得計今後本部按季行令順天府取撥鋪戶前來將紙劄照依時值兩平估計曉示各人遵



守如仍前故違許被害之人告官仍行巡捕官地方火甲人等緝獲到官一體問斷具題次日奉聖旨是欽此

各道問罪因贓罰俱解總司入官例

成化二年五月二十六日都察院左都御史李 寺題為陳言禦寇安民等事湖廣按察司羅堯等奏一件廣糧儲以備急用乞

勅都察院行移各按察司轉行各該分巡道時例將有贓官吏拜徒罪以上人犯起解總司詳審之時就將原追贓罪除頭畜米糧木植粗重之物仍發各該府縣收貯作數開報布按二司外其餘金銀布絹等物俱解總司查照明白轉行外布政司官庫收貯听候軍需賑濟急用支銷歲終間奏等因奏奉

聖旨該衙門看了來說欽此看得湖廣按察使羅堯奏稱廣糧儲以備急用要將按察司各道官追過徒罪以上人犯贓罰起解總司轉發布政司官庫收貯以備賑濟等因公用以杜府縣